


傷寒心悟

上集



傷寒心悟序

余故友徐著春先生。浙江善邑人。通儒理。擅醫術。鍼

灸內外諸科。無不深造。女公子靄如。髫齡侍診。敏悟

過人。先生之衣鉢。於是乎傳焉。年壬辰歸楊君三辰

三辰居雲間楓涇鎮。本詩禮之家。乃明楊士奇後裔。

爾德公七世孫。敦菴先生之令子。為人敦品。立行先

器識。而後文藝。無時下猥習。故伉儷篤好。靄如尤善

事翁姑。鄉里以賢孝聞。間嘗謂楊君曰。人能知醫。則

上可事親老。下可育子女。於己可養身益年壽。且其
為道。古書列於三墳。周官設有專職。非吾儕所應旁
通者乎。子若能從事於此。固吾父之所望也。三辰從
其語。朝夕攻究。琴調瑟和。事半功倍。不數載而盡通
諸科。於是設診所於青浦之珠街閣鎮。所治輒愈。疑
難大證。夫婦共決。施針敷藥。鄉里傳為佳話。遠近播
為美談。名譽日隆。有從遊者。楊君輒攄心得。自為著
述。以課之。無間寒暑者十五年。而其書則盈篋矣。丁

己春因親老旋里。出傷寒心悟以示余。且曰醫之有
仲景。猶儒之有尼父也。仲景之著傷寒。猶尼父之作
春秋也。春秋正名分。所以懼亂賊。傷寒定規例。所以
箴庸俗。春秋或為篡竊者所假借。則時世亂。傷寒或
為粗劣者所援引。則人命危。故汗吐下三法。善用之。
固足以救人。而妄用之。亦足以殺人。千餘年來。雖不
乏為之疏解。而闡發釐訂其是非者。惜多條辨不清。
方效不確。眉目不易認也。余今為之棄瑕錄瑜。註釋

真理義約而明辭簡而達或者較可取乎余受而披
讀一過覺全書方法劃然井然不假思索而得喟然
嘆曰著春之學有傳矣嘗憶著春之論曰醫之治病
必先望聞問切辨決其疑似然後按病處方自無不
效今三辰註傷寒多著意於辨症用藥蓋其有得於
著春者深矣余讀是編不覺興故友之思也爰命孫
惟一負笈以從藉以通世好并望孺子有成得以傳
其學云

民國丁巳夏邑善陳玉藻蓉甫謹序



傷寒心悟序

註傷寒者夥矣。自宋成無己氏迄遜清末葉。沈堯封
唐容川輩。就余所知。都五十餘家。類皆當世知名之
士。擅文詞之長。其於醫學。不過涉獵及之。興之所至。
遽爾握管。以自鳴心得而已。察其註釋。每因主觀之
不同。彼攻此詰。入是出非。詳理論而畧經驗。文詞頗
辯。按之實際。反多不合。即其間各有一二適當之處。
亦瑜在瑕中。非已有經驗者。不能抉擇。致令後之學

者。觀傷寒註愈多。而傷寒之理愈不能明。傷寒之方
愈不能用。先生自序中。有謂今之讀傷寒論者。乃讀
百家之傷寒論。非讀仲景之傷寒論。正因此而興感
也。先生布衣好學。秉性誠樸。讀書求內悟。不尚外華。
始精針瘍兩科。後復研究傷寒論數十年。據以治病。
應手取效。經事既富。乃本平日之閱歷。以客觀之眼。
光采古人之菁英。詮仲師之真理。將傷寒全論六經。
分類為三集七卷。其篇名曰。脈證彙方。條辨。溫熱。雜

病脉原方論。凡論中按經辨證。舉例用方。增損品味。以及行針孔穴等。皆再三致意。務使此經此症。此方。此方。此藥。恰合分際。讀之者。得循序漸進之益。無多歧亡羊之虞。命之曰傷寒心悟。固與撰一空論。大放厥詞。專以蟲技見長者有間矣。書成質於余。并囑序之。余曰。噫。余何足為先生光哉。然余之學。先生知之。先生之學。余知之。我兩人不失為相知。且此書為先生經歷之結晶。烏可以勿傳。余安得以不文謝。

也。

民國十九年五月青浦蓮如弟 吳昌頤謹序



南京中医药大学图书馆版权所有

傷寒心悟贊

楊君三辰著傷寒心悟。撰用百家註釋。以仲景之
為心。無左右之派別。悟全書之精義。綜其綱明其
詳其證據。嚴其治法。以一百一十三方。統治萬病。
界劃井然。不容或紊。爰為之贊。

大哉傷寒。麻杏桂甘。註釋明晰。手足俱完。詳陳六氣。
首推隱菴。三指神術。如見肺肝。書名心悟。方無間然。

民國十一年小春月青浦莊大綱古常謹題



傷寒心悟自序

傷寒論。後漢張機所著。論傷寒雜病。三方理無不該。

集一百一十

法無不備。誠開生民之壽域。為萬世之醫源。自有此書。乃有病證藥方合論。後經晉太醫令王叔和搜集保存。宋臣林億等校正。金聊攝成。無已創為註釋。續者有百家。傷寒論更得昌明字內。至本論六經原有定位。凡編者不無有數條搬前移後。註釋均有卓見。尋求古訓。無微不至。然總不能令學者皆宗仲景之

法。免人夭折之傷。其故何歟。蓋傷寒論乃條記書。每
條。每句。皆千錘百鍊而後出。言外頗多佳意。主旨在
訓戒後學。不可妄用汗吐下三法。凡釋者於此等處
多從潦草。殊失仲景心法。讀傷寒論是讀百家之傷
寒論。非讀仲景之傷寒論。二三子曰。讀洎溪類方太
簡略。讀成無己太深奧。百家立說。多排斥前輩。王叔
和搜集傷寒論。不但無功。反為眾矢之的。讀者苦無
準繩。可否請我師另編一部。以為適中之用。余義不
能却。於是搜集各書。排列案頭。將宋刊及元明清編

本。每條互相參閱。日選其明白清楚之條。文數條。依
此排比。不敢違背。昔賢以為是訛刊者。即糾正之。昔
賢以為條文有無。即就本論大意補釋之。編法一則
仿洄溪類方。刪問答冗句。以便誦讀。一則仿成無己
本。分六經編次。以清六經經界。首以六經脈證為綱
領。明中風傷寒直中傳經。次一百一十三方為六經
彙方法。明辨證按法施治。次六經條辨為細目。明六
經參差錯落。陰經中有陽證。陽經中又另立溫熱雜



病脉原方論。俾知傷寒論為疾病全書。以可汗不可汗。可吐不可吐。可下不可下。編入太陽病條。辨使學者。先於汗吐下了。然於胸。而後逐條下觀。不至有糲糊不明之弊。而臨證施治。亦不至於惑汗妄吐。妄下針灸本靈樞之法。與素問方制。一脉相傳。古人未得分學者。故本編并將隧穴。一一點出。學者能循是以求。則針灸之不及施。之以湯藥。湯藥之所不能。可輔之以針灸。二者並濟。豈非益是病家之福音哉。余不



學無文。安能著述。然註釋是書。實事求是。處處求
仲景口吻。分章別節。次序井然。俾病條藥方。先後有
所遵循。經三十載。五易其稿。而後書成。顏曰傷寒心
悟。以就正于有道云爾。楊福增題於截補齋。



凡例

一仲景自序。撰用素問九卷。八十一難。陰陽大論。博採衆方。作傷寒雜病論十六卷。由此觀之。傷寒論中。雜病方法已具。

一傷寒論。藍本素熱論。今夫熱病者。傷寒之類也。人之傷于寒也。則為病熱。熱雖甚不死。其所以不死者。熱在表。不在裏也。表屬陽。裏屬陰故也。

一熱病與病熱不同。熱病是傷熱。如春溫夏暑。病熱

是傷寒寒氣怫鬱反發為熱傷寒診法發熱為陽
氣勝易作汗不發熱為陰氣勝難作汗也。

一六氣傷人有常有變風傷衛有汗寒傷營無汗此
言傷寒中風發病之常若言變風邪入營為逆名
營已交交者無汗無汗則死寒邪出衛為順名營
未交未交者有汗有汗則生。

一人身之營衛關係生理病理內經曰營衛之道納
穀為寶穀入于胃脉道以通此即生理仲景曰風

